



ქ. თბილისში, გლდანის რაიონში, მუხიანის ტერიტორიაზე დასასვენებელი  
პავილიონების (ფანჩატურები) მოწყობის სამუშაოების სახელმწიფო შესყიდვის  
სატენდერო დოკუმენტაცია  
ელექტრონული ტენდერი აუქციონის გარეშე

CVP კოდი—45212100

---

ს ა რ ზ ე ვ ი

|                                                             |    |
|-------------------------------------------------------------|----|
| 1. ინსტრუქცია ტენდერში მონაწილეთათვის .....                 | 2  |
| 2. ტექნიკური დოკუმენტაცია .....                             | 3  |
| 3. სახელმწიფო შესყიდვის შესახებ ხელშეკრულების პროექტი ..... | 6  |
| 4. დანართი N1 ხარჯთაღრიცხვა .....                           | 10 |
| 5. დანართი N2 პრეტენდენტის რეკვიზიტები.....                 | 13 |
| 6. დანართი N3 გამოცდილება .....                             | 14 |

## 1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 შემსყიდველ ორგანიზაციაში წარმოსადგენი ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია

1.6 სატენდერო დოკუმენტაციაში, რომელიც ხელშეკრულების დადების მომენტისათვის დაუხსტდება სატენდერო წინადადების შესაბამისად.

1.7 სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება

1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა / პასუხის“ მეშვეობით, ან / და სატენდერო კომისიის აპარატში, ქ. თბილისი, გლდანის რაიონის გამგეობის ადმინისტრაციული შენობა– სარაჯიშვილის ქ. №1ა. საკონტაქტო პირები:

ნანა ლომჯარია ტელ. № 2-318-980

ტექნიკურ საკითხებთან დაკავშირებით - კახა ცქიტიშვილი - ტელ. № 2-318-921

## 2. ტექნიკური დოკუმენტაცია

### 2.1 საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

#### 2.1.1 იურიდიული პირებისათვის/ინდივიდუალური მეწარმეთათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ) ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ.
- გ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.
- დ) არარეზიდენტი იურიდიული პირის შემთხვევაში, პრეტენდენტმა, 2.1.1 პუნქტის ა), ბ) და გ) ქვეპუნქტების გარდა დამატებით უნდა წარმოადგინოს თავისი ქვეყნის შესაბამისი უფლებამოსილი ორგანოდან გაცემული ცნობა (ცნობები) რომ არ ხორციელდება არარეზიდენტი იურიდიული პირის რეორგანიზაცია ან ლიკვიდაცია. აღნიშნული დოკუმენტები დამოწმებული უნდა იყოს კანონმდებლობით დადგენილი წესით (ლეგალიზებული ან აპოსტილით დამოწმებული) და მას თან უნდა ერთვოდეს ნოტარიულად დამოწმებული ქართული თარგმანი.
- ე) იმ შემთხვევაში თუ პრეტენდენტი არის უცხოური საწარმოს წარმომადგენელი ან/და ფილიალი საქართველოში, რომელიც იყენებს საზღვარგარეთ რეგისტრირებული სათაო კომპანიის მონაცემებს (სამუშაო გამოცდილება, ძირითადი სპეციალისტები ან/და სხვა), ვალდებულია ერთობლივად წარმოადგინოს, როგორც თავისი, ასევე სათაო კომპანიის 2.1.1 პუნქტის ა), ბ) და გ) ქვეპუნქტებით განსაზღვრული დოკუმენტები. ასევე, დამატებით უნდა წარმოადგინოს სათაო კომპანიის ქვეყნის შესაბამისი უფლებამოსილი ორგანოდან გაცემული ცნობა (ცნობები) რომ არ ხორციელდება სათაო კომპანიის რეორგანიზაცია ან ლიკვიდაცია. აღნიშნული დოკუმენტები დამოწმებული უნდა იყოს კანონმდებლობით დადგენილი წესით (ლეგალიზებული ან აპოსტილით დამოწმებული) და მას თან უნდა ერთვოდეს ნოტარიულად დამოწმებული ქართული თარგმანი.

#### 2.1.2 ფიზიკური პირებისათვის:

- ა) პირადობის დამადასტურებელი მოწმობის ასლი.
- ბ) ცნობა საჯარო რეესტრის ეროვნული სააგენტოდან, საჯაროსამართლებრივი შეზღუდვის არ არსებობის შესახებ.
- გ) ცნობა საგადასახადო ორგანოდან ბიუჯეტის წინაშე დავალიანების არარსებობის შესახებ.
- დ) არარეზიდენტი ფიზიკური პირის შემთხვევაში, პრეტენდენტმა, 2.1.2 პუნქტის ა), ბ) და გ) ქვეპუნქტებით განსაზღვრული დოკუმენტები (ცნობები) უნდა იყოს დამოწმებული კანონმდებლობით დადგენილი წესით (ლეგალიზებული ან აპოსტილით დამოწმებული) და მას თან უნდა ერთვოდეს ნოტარიულად დამოწმებული ქართული თარგმანი.

**2.2** ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

**2.3** ამ პუნქტის 2.2 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტმა უნდა წარმოადგინოს თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

**2.4** სახელმწიფო შესყიდვების სააგენტოს თავმჯდომარის 2016 წლის 26 თებერვალის N2 ბრძანებით დამტკიცებული „თეთრი სიის წარმოების წესი და პირობების“ მე-10 მუხლის 1-ლი პუნქტის ა) ქვეპუნქტის შესაბამისად, თეთრ სიაში რეგისტრირებული მიმწოდებლები თავისუფლდებიან ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების შემსყიდველისთვის წარდგენისგან.

## 2.5 შესყიდვის ობიექტის ტექნიკური პირობები:

შესყიდვის ობიექტია: ქ. თბილისში, გლდანის რაიონში, მუხიანის ტერიტორიაზე 10(ათი) ცალი დასასვენებელი პავილიონი (ფაჩატური) მოსაწყობა.

შესყიდვის სავარაუდო ღირებულება შეადგენს 40460,0 (ორმოცი ათას ოთხას სამოცი) ლარს

დაფინანსების წყარო- ადგილობრივი ბიუჯეტის სახსრები

2.5.1 შესასრულებელი სამუშაოების ჩამონათვალი და რაოდენობა განსაზღვრულია სატენდერო დოკუმენტაციის დანართი N1-ში;

2.5.2 შესყიდვის ობიექტის ტექნიკური პარამეტრები უნდა აკმაყოფილებდეს №1, №2 და №3 ესკიზურ ნახაზებში მოცემულ ტექნიკურ მახასიათებლებს.

2.5.3 გამარჯვების შემთხვევაში მიმწოდებელმა ყოველ კონკრეტულ ობიექტზე, სადაც მიმდინარეობს სამუშაოები, უნდა განათავსოს 1(ერთი) ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად;

2.5.4 მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 5 (ხუთი) კალენდერული დღის ვადაში;

2.5.5 ხარჯთაღრიცხვის ექსელის ფორმატის ფაილი და ესკიზები ატვირთულია სატენდერო დოკუმენტაციასთან ერთად.

## 2.6 გამოცდილება

2.2.1 პრეტენდენტს 2014 წლის 1 იანვრიდან ტენდერის გამოცხადების დღემდე უნდა გააჩნდეს არანაკლებ 120000,00 (ასოცი ათასი) ლარის ჯამური ღირებულების ფანჩატურების მოწყობის ან/და სკვერების მოწყობა-რეაბილიტაციის სამუშაოების შესრულების გამოცდილება (დანართი №3).

2.2.2 დანართი №3-ში მითითებული ფაქტიურად განხორციელებული სამუშაოების შესრულების დამადასტურებელი დოკუმენტაცია (ხელშეკრულებ(ებ)ა, ამ ხელშეკრულების შესრულების დამადასტურებელი მიღება-ჩაბარების აქტი ან სხვა) პრეტენდენტის მიერ უნდა აიტვირთოს სატენდერო წინადადებასთან ერთად.

## 2.7 შესყიდვის ობიექტის ხარისხი და გარანტია:

2.3.1 შესყიდვის ობიექტის საგარანტიო ვადა, ნორმალური ექსპლუატაციის პირობებში, უნდა შეადგენდეს საბოლოო მიღება-ჩაბარების აქტის გაფორმებიდან არანაკლებ 2(ორი) წელს.

2.3.2 საგარანტიო ვადის განმავლობაში, რაიმე წუნის (ნაკლოვანებები, დეფექტი) აღმოჩენის შემთხვევაში (ქურდობის და ვანდალიზმის ფაქტების გარდა), თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

## 2.8 მიწოდების ვადა და ადგილი

2.4.2 შესყიდვის ობიექტის მიწოდების ვადა: ეტაპობრივად, შემსყიდველის მიერ გადაცემული წერილობითი დავალების შესაბამისად, ხელშეკრულების გაფორმებიდან 40 (ორმოცი) კალენდარული დღე.

2.3.1 შესყიდვის ობიექტის მიწოდების კონკრეტული მისამართი, რაოდენობა და შესრულების ვადა შემსყიდველის მიერ ეტაპობრივად წერილობით გადაეცემა მიმწოდებელს.

2.3.3. მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 5 (ხუთი) კალენდერული დღის ვადაში;

2.3.4 მიწოდების ადგილი – ქ. თბილისი, გლდანის რაიონის ტერიტორია.

## 2.5. სატენდერო წინადადების ფასი

2.5.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

## 2.9 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1 ხარჯთაღრიცხვა დანართი №1-ის მიხედვით *(ხარჯთაღრიცხვის წარმოდგენა სავალდებულოა, წარმოდგენლობის შემთხვევაში მოხდება პრეტენდენტის დისკვალიფიკაცია).*

2.5.2 რეკვიზიტები დანართი №2-ის მიხედვით.

2.5.3 ინფორმაცია გამოცდილების შესახებ დანართი N3-ის მიხედვით.

2.5.4 ინფორმაცია შესრულებული სამუშაოს საგარანტიო პირობების შესახებ (პ. 2.7).

## 2.10 ფასწარმოქმნის ადეკვატურობის მოთხოვნა

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას ტენდერისთვის სტატუსის „გამარჯვებული გამოვლენილია“ მინიჭებამდე, შემსყიდველის მოთხოვნიდან 10 (ათი) სამუშაო დღის განმავლობაში. რაზეც პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს“ ან აკრედიტაციის ცენტრში აკრედიტებული სხვა პირის მიერ გაცემული შესაბამისი დასკვნა. (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი) ექსპერტიზის დასკვნის წარმოდგენლობა ან/და უარყოფითი დასკვნის წარმოდგენა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11-მე-14 პუნქტებით განსაზღვრული წესები.

### შენიშვნა:

1. სატენდერო დოკუმენტაციის მოთხოვნებთან შესაბამისობის დადასტურების მიზნით, უცხოური საწარმოს/უცხოური საწარმოს ფილიალის/წარმომადგენლობის მიერ სახელმწიფო შესყიდვების ერთიან ელექტრონულ სისტემაში წარმოგენილ, უცხო ქვეყანაში შედგენილ დოკუმენტზე ხელმოწერები დამოწმებული უნდა იყოს ნოტარიუსის ან შესაბამისი საჯაროსამართლებრივი უფლებამოსილების მქონე პირის მიერ, ხოლო ამ უკანასკნელის ხელმოწერა - ლეგალიზებული ან აპოსტილით დამოწმებული.

2. მიმწოდებელთან დანართი N3-ში მითითებული მანქანა-მექანიზმების საკუთრების ან/და სარგებლობის უფლების შესახებ ინფორმაციის სისწორის გადამოწმება შემსყიდველს შეუძლია ნებისმიერ დროს.

### 3. სახელმწიფო შესყიდვის შესახებ ხელშეკრულება

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

----- 2017 წელი

#### 1. ხელშეკრულების დამდები მხარეები

ერთის მხრივ ქალაქ თბილისის მუნიციპალიტეტის გლდანის რაიონის გამგეობა (შემდგომში – შემსყიდველი), წარმოდგენილი ----- სახით და მეორეს მხრივ ----- (“შემდგომში მიმწოდებელი”), წარმოდგენილი ----- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

#### 2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია: **გლდანის რაიონში, მუხიანის ტერიტორიაზე დასასვენებელი პავილიონების (ფანჩატური) მოწყობის სამუშაოები.**

2.2 შესყიდვის საშუალება: ელექტრონული ტენდერი აუქციონის გარეშე;

2.3 ელექტრონული ტენდერის განცხადების ნომერი -----

2.4 ხელშეკრულების ღირებულება შეადგენს ----- ლარს, ყველა გადასახადის ჩათვლით;

2.5 კლასიფიკატორის კოდი - **CPV 45212100 - დასასვენებელი ნაგებობის მშენებლობა.**

2.6 ხელშეკრულება ძალაშია მხარეთა მიერ ხელმოწერიდან ----- .

#### 3. სამუშაოს შესრულების პირობები, ვადა და ადგილი

3.1 შესყიდვის ობიექტის მიწოდების ვადა: ეტაპობრივად, შემსყიდველის მიერ გადაცემული წერილობითი დავალების შესაბამისად, ხელშეკრულების გაფორმებიდან 40(ორმოცი) კალენდარული დღე.

3.2 შესყიდვის ობიექტის მიწოდების კონკრეტული მისამართი, რაოდენობა და შესრულების ვადა შემსყიდველის მიერ ეტაპობრივად წერილობით გადაეცემა მიმწოდებელს.

3.3 მიმწოდებელმა ყოველ კონკრეტულ ობიექტზე, სადაც მიმდინარეობს სამუშაოები, უნდა განათავსოს 1(ერთი) ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად;

3.4 მიმწოდებელი ვალდებულია სამუშაოები დაიწყოს წერილობითი დავალების ჩაბარებიდან არაუგვიანეს 5 (ხუთი) კალენდარული დღის ვადაში;

3.5 შესყიდვის ობიექტის ტექნიკური პარამეტრები უნდა აკმაყოფილებდეს სატენდერო დოკუმენტაციის №1, №2 და №3 ესკიზურ ნახაზებში მოცემულ ტექნიკურ მახასიათებლებს.

3.6 მიწოდების ადგილი – ქ. თბილისი, გლდანის რაიონი, მუხიანის ტერიტორია.

#### 4. შესრულებული სამუშაოს ხარისხი და გარანტია

4.1 ხელშეკრულების ფარგლებში შესასრულებელი სამუშაოების ხარისხი უნდა შეესაბამებოდეს სამშენებლო ნორმებითა და წესებით და ტექნიკური დავალებით გათვალისწინებულ მოთხოვნებს და სტანდარტებს;

4.2 შესყიდვის ობიექტის საგარანტიო ვადა, ნორმალური ექსპლუატაციის პირობებში, შეადგენს საბოლოო მიღება-ჩაბარების აქტის გაფორმებიდან ----- წელს.

4.3 სამუშაოების დასრულების შემდეგ ----- წლის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში (ქურდობის და ვანდალიზმის ფაქტების გარდა), თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

#### 5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ გლდანის რაიონის გამგეობის თანამშრომლები.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

## **6. შესყიდვის ობიექტის მიღება-ჩაბარების წესი**

- 6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. ამასთან, სამუშაოების (ან მისი ნაწილის) შესრულების თარიღად ჩაითვლება „შესრულებული სამუშაოების აქტი №2-ში“ მითითებული თარიღი, დადასტურებული ტექნიკური ზედამხედველის მიერ.
- 6.2 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს აღმოჩენილი შესასრულებელი სამუშაოების გათვალისწინებით, რაზეც გაფორმდება შესაბამისი მიღება-ჩაბარების აქტი.
- 6.3 ხელშეკრულების შესრულების კონტროლზე, ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინამდებარე ხელშეკრულების მე-5 მუხლის 5.2 პუნქტში მითითებული პირები.
- 6.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.5 შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.
- 6.6 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## **7. ანგარიშსწორება და ანგარიშსწორების ვალუტა**

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება 2017 წლის ადგილობრივი ბიუჯეტიდან გამოყოფილი სახსრებით, ეტაპობრივად, შესრულებული სამუშაოების მოცულობების მიხედვით, მიღება-ჩაბარების აქტის გაფორმებიდან არაუგვიანეს 10(ათი) სამუშაო დღის განმავლობაში.
- 7.3 ხელშეკრულების პირობების დარღვევის შემთხვევაში მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.
- 7.3 წინასწარი ანგარიშსწორება (ავანსი) არ გამოიყენება

## **8. ხელშეკრულების პირობების შეუსრულებლობა**

(საჯარიმო სანქციები, ფორმა, ოდენობა, და გადახდის ვადები)

- 8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.
- 8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში (მ/შ პ.3.3 და პ.3.4 შეუსრულებლობის შემთხვევაში) მიმწოდებელს დაეკისრება ჯარიმის გადახდა (გარდა მიწოდების ვადის დარღვევისა) ყოველ ჯერზე, ხელშეკრულების ღირებულების 0,1%-ის ოდენობით.
- 8.3 წერილობითი დავალებით განსაზღვრული კონკრეტული სამუშაოს დასრულების ვადის დარღვევის შემთხვევაში მიმწოდებელს დაეკისრება პირგასამტეხლო, დაგვიანებით შესრულებული და მიღება-ჩაბარების აქტით დადასტურებული სამუშაოს ღირებულების 0,1%-ის ოდენობით ყოველ ვადაგადაცილებულ დღეზე;
- 8.4 მიმწოდებლის მიზეზით, ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.
- 8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 20(ოცი) კალენდარული დღის ვადაში.
- 8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.
- 8.7 თუ შემსყიდველი არ ასრულებს წინამდებარე ხელშეკრულების 7.2 პუნქტის მოთხოვნებს, დაეკისრება პირგასამტეხლო, ჩასარიცხი თანხის 0,1%-ის ოდენობით, ყოველ ვადაგადაცილებულ დღეზე.

## **9. ხელშეკრულების შეწყვეტა**

- 9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.
- 9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 9.3 ხელშეკრულების შეწყვეტისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.



- 9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:
- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
  - ბ) მიმწოდებლის მიერ ხელშეკრულებით ნაკისრი ვალდებულებების 15 კალენდარულ დღეზე მეტი ვადით გადაცილების შემთხვევაში.
  - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - დ) საქართველოს კანონმდებლობით გათვალისწინებულ სხვა შემთხვევებში.
- 9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება.

## **10. ფორს-მაჟორი**

- 10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## **11. უსაფრთხოება და გარემოს დაცვა**

- 11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.
- 11.2 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

## **12. ხელშეკრულებაში ცვლილებების შეტანა**

- 12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

## **13. უფლებების გადაცემა**

- 13.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.
- 13.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.
- 13.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი -



მიმწოდებელი - მესამე პირი).

13.4 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

#### 14. ფასები

14.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

14.2 მხარეთა შეთანხმებით დასაშვებია ხელშეკრულების ღირებულების შეცვლა.

14.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

#### 15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- საკონტ. პირი ბ-ნი -----

ელექტრონული ფოსტა:

ბ) შემსყიდველის შემდეგი რეკვიზიტები: ტელეფონის ნომერი -----; საკონტ. პირი -----

ელექტრონული ფოსტა:

15.3 ხელშეკრულებაში მოწაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

15.4 შეტყობინება შედის ძალაში ადრესატის მიერ მისი მიღების დღეს.

#### 16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების მეშვეობით სამართლიანობის ფარგლებში.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

6.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### 17. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

#### 18. მხარეთა იურიდიული რეკვიზიტები

შემსყიდველი:

მიმწოდებელი

ხარჯთაღრიცხვა  
დასასვენებელი პავილიონის (ფანჩატური) მოწყობის სამუშაოებზე

პრეტენდენტი -----

| № | სამუშაოს დასახელება                                                            | განზომილების<br>ერთეული | რაოდენობა | მასალა       |      | ხელფასი      |      | ტრანსპორტი   |      | ჯამი |
|---|--------------------------------------------------------------------------------|-------------------------|-----------|--------------|------|--------------|------|--------------|------|------|
|   |                                                                                |                         |           | ერთ.<br>ფასი | ჯამი | ერთ.<br>ფასი | ჯამი | ერთ.<br>ფასი | ჯამი |      |
|   | <b>ფანჩატური</b>                                                               |                         |           |              |      |              |      |              |      |      |
| 1 | გრუნტის დამუშავება ხელით, მოსწორება, დატვირთვა ა/თვითმცლელზე და გატანა 10კმ-ზე | კუბ.მ                   | 1,3       |              |      |              |      |              |      |      |
| 2 | 0-40 ღორღის ფენის მოწყობა დატკეპვით კ=1.24                                     | კუბ.მ                   | 1,6       |              |      |              |      |              |      |      |
| 3 | მონოლითური მ-300 ბეტონის ფილის მოწყობა სისქით 15სმ                             | კუბ.მ                   | 2,17      |              |      |              |      |              |      |      |
|   | ბეტონი მ-300 კ=1,015                                                           | კუბ.მ                   | 2,2       |              |      |              |      |              |      |      |
|   | კვადრატული მილი 150X150X5                                                      | გრძ.მ                   | 2         |              |      |              |      |              |      |      |
| 4 | ფანჩატურის მოწყობა                                                             | კომპ                    | 1         |              |      |              |      |              |      |      |
|   | ხის მასალა მშრალი წიწვოვანი კ=1,05                                             | კუბ.მ                   | 1,36      |              |      |              |      |              |      |      |
|   | მეტალოკრამიტი                                                                  | კვ.მ                    | 18,9      |              |      |              |      |              |      |      |
|   | მეტალოკრამიტის კეხი                                                            | გრძ.მ                   | 12        |              |      |              |      |              |      |      |
|   | სჭვალი მეტალოკრამიტის (1კვ.მ-ზე-6ცალი)                                         | ცალი                    | 114       |              |      |              |      |              |      |      |
|   | წებო პვა                                                                       | კგ                      | 2         |              |      |              |      |              |      |      |
|   | ლურსმანი                                                                       | კგ                      | 5         |              |      |              |      |              |      |      |
|   | სჭვალი                                                                         | კგ                      | 5         |              |      |              |      |              |      |      |
| 5 | ფანჩატურის ხის ელემენტების გალაქვა წყალმდედგი ლაქით ორჯერადად                  | კომპ                    | 1         |              |      |              |      |              |      |      |
| 6 | ქვიშა-ცემენტის მოჭიმვის მოწყობა 2სმ                                            | კვ.მ                    | 13,44     |              |      |              |      |              |      |      |

|   |                                                                                                       |       |       |  |  |  |  |  |  |  |
|---|-------------------------------------------------------------------------------------------------------|-------|-------|--|--|--|--|--|--|--|
| 7 | ფანჩატურის ბეტონის იატაკის და პანდუსის მოპირკეთება ბეტონის ფილებით 30X15X2სმ ყინვაგამძლე წებოცემენტზე | კვ.მ  | 13,44 |  |  |  |  |  |  |  |
|   | ბეტონის ფილები კ=1.02                                                                                 | კვ.მ  | 13,7  |  |  |  |  |  |  |  |
|   | წებოცემენტი (1კვ.მ-6კგ)                                                                               | კგ    | 80    |  |  |  |  |  |  |  |
| 8 | სამშენებლო ნარჩენების მოგროვება და გატანა                                                             | ტნ    | 0,5   |  |  |  |  |  |  |  |
|   | <b>მაგიდა (1ცალი)</b>                                                                                 |       |       |  |  |  |  |  |  |  |
| 1 | მაგიდის დამზადება და მონტაჟი ლითონის ელემენტების და მშრალი წიწვოვანი ხის მასალისგან                   | ცალი  | 1     |  |  |  |  |  |  |  |
|   | კვადრატული მილი 50X50X2                                                                               | გრძ.მ | 2,7   |  |  |  |  |  |  |  |
|   | კვადრატული მილი 40X80X2                                                                               | გრძ.მ | 6,3   |  |  |  |  |  |  |  |
|   | ფიცარი 40X175                                                                                         | კუბ.მ | 0,07  |  |  |  |  |  |  |  |
|   | ჭანჭიკი 66X100                                                                                        | ცალი  | 24    |  |  |  |  |  |  |  |
|   | არმატურა ფ-12 ა-III                                                                                   | გრძ.მ | 0,5   |  |  |  |  |  |  |  |
|   | ელექტროდი                                                                                             | კგ    | 5     |  |  |  |  |  |  |  |
| 2 | ლითონის ელემენტების შეღებვა ზეთოვანი საღებავით ორჯერადად                                              | კომპ  | 1     |  |  |  |  |  |  |  |
| 3 | ხის ელემენტების გალაქვა მაღალხარისხიანი ლაქით ორჯერადად                                               | კომპ  | 1     |  |  |  |  |  |  |  |
|   | <b>სკამი (2ცალი)</b>                                                                                  |       |       |  |  |  |  |  |  |  |
| 1 | სკამის დამზადება და მონტაჟი ლითონის ელემენტების და მშრალი წიწვოვანი ხის მასალისგან                    | ცალი  | 2     |  |  |  |  |  |  |  |
|   | კვადრატული მილი 30X40X2                                                                               | გრძ.მ | 17,8  |  |  |  |  |  |  |  |
|   | ფიცარი 30X120                                                                                         | კუბ.მ | 0,03  |  |  |  |  |  |  |  |
|   | ფიცარი 40X170                                                                                         | კუბ.მ | 0,057 |  |  |  |  |  |  |  |
|   | ჭანჭიკი 66X100                                                                                        | ცალი  | 40    |  |  |  |  |  |  |  |
|   | არმატურა ფ-12 ა-III                                                                                   | გრძ.მ | 1     |  |  |  |  |  |  |  |
|   | ელექტროდი                                                                                             | კგ    | 2     |  |  |  |  |  |  |  |
| 2 | ლითონის ელემენტების შეღებვა ზეთოვანი საღებავით ორჯერადად                                              | კომპ  | 2     |  |  |  |  |  |  |  |
| 3 | ხის ელემენტების გალაქვა მაღალხარისხიანი ლაქით ორჯერადად                                               | კომპ  | 2     |  |  |  |  |  |  |  |

|  |                    |      |    |  |  |  |  |  |  |  |
|--|--------------------|------|----|--|--|--|--|--|--|--|
|  | ჯამი               |      |    |  |  |  |  |  |  |  |
|  | ზედნადები ხარჯი    | %    |    |  |  |  |  |  |  |  |
|  | ჯამი               |      |    |  |  |  |  |  |  |  |
|  | გეგმიური დაგროვება | %    |    |  |  |  |  |  |  |  |
|  | ჯამი               |      |    |  |  |  |  |  |  |  |
|  | დღგ                | %    | 18 |  |  |  |  |  |  |  |
|  | ჯამი               | ცალი | 1  |  |  |  |  |  |  |  |
|  | სულ ჯამი           | ცალი | 10 |  |  |  |  |  |  |  |

პრეტენდენტის ხელმოწერა და ბეჭედი -----

**რეკვიზიტები:**

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება

ბანკის კოდი:

ანგარიშსწორების ანგარიში:

ინფორმაცია პრეტენდენტის გამოცდილების შესახებ

პრეტენდენტის დასახელება \_\_\_\_\_

| № | სამუშაოს<br>დასახელება | შემსყიდვე<br>ლის<br>დასახელება<br>SPA/NATN <sup>®</sup> | ხელშეკრულ<br>ების<br>ღირებულება | ფაქტიურად<br>შესრულებული<br>სამუშაოს<br>ღირებულება | ხელშეკრულების<br>გაფორმების<br>თარიღი |
|---|------------------------|---------------------------------------------------------|---------------------------------|----------------------------------------------------|---------------------------------------|
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |
|   |                        |                                                         |                                 |                                                    |                                       |

შენიშვნა:

- პრეტენდენტს 2014 წლის 1 იანვრიდან ტენდერის გამოცხადების დღემდე უნდა გააჩნდეს არანაკლებ 120000,00 (ასოცი ათასი) ლარის ჯამური ღირებულების ფანჯატურების მოწყობის ან/და სკვერების მოწყობა-რეაბილიტაციის სამუშაოების შესრულების გამოცდილება (დანართი №3).

- დანართი №3-ში მითითებული ფაქტიურად განხორციელებული სამუშაოების შესრულების დამადასტურებელი დოკუმენტაცია (ხელშეკრულებ(ებ)ა, ამ ხელშეკრულების შესრულების დამადასტურებელი მიღება-ჩაბარების აქტი ან სხვა) პრეტენდენტის მიერ უნდა აიტვირთოს სატენდერო წინადადებასთან ერთად.

პრეტენდენტის ხელმოწერა და ბეჭედი -----